

Կրօնական շինություններ արտայայտող տեղանունան կազմիչներից ամենակենսունակը եւ վաղնջականը վան/ք արմատն է, որը սկզբնապես նշանակել է բնակատեղի, հաւաքատեղի, ապա որոշակիացել՝ իբրեւ ծիսական, հոգեւոր նպատակներ հետապնդող մարդկանց հաւաքատեղի: Այս բառի ծագումը Հր. Աճառեանը համարում է իրանական, թէեւ առաւել համոզիչ է դրա ընդհանուր հնդեւրոպական ծագումը: Այստեղ ունենք աւան-վան հնարաւոր զուգաձեւութիւնը: Առաջինն ամրակալոււմ է որպէս ընդհանուր նշանակութեան բնակատեղի, իսկ երկրորդը վերածուում է կրօնական շինարարական եզրոյթի: Որպէս տեղանունան կազմիչ արդէն աւելի հազուադէպ ունենք եկեղեցի, մատուռ, անապատ արմատները:

Ի մի բերելով հաւատի հետ կապուած եզրոյթների տեղանունանստեղծ արժէքը՝

պէտք է նշել, որ ե՛ւ հեթանոսական, ե՛ւ քրիստոնէական բովանդակութիւն ունեցող տեղանուններում առանձնանում են 4 տիպի տեղանունան կազմիչներ. ա) ծէսերի եւ հաւատքի ատրիբուտների անուններ՝ բագիւն, արուշան, մեհեան, խաչ, մասն, մատաղ, զոհ, Աշխար, դրախտ, դժոխք, ոգի, հոգի եւ այլն, բ) դիցանուններ՝ լայն ըմբռնմամբ, այսինքն՝ նաեւ քրիստոնէական սրբացուած հերոսների անձնանուններ եւ դրանց հակադիր մութ ուժերի՝ հակահերոսների անուններ, գ) կրօնական զգացումներ արտայայտող որոշիչ-բառեր՝ կամակատար, երաշխատոր, զօրավիգ, փառատոր, բարձեալ, սուրբ, դ) կրօնական շինություններ ու հաստատութիւններ նշող բառեր՝ մեհեան, եկեղեցի, վանք, անապատ, մատուռ, կուսանոց եւ այլն:

ԱՔԵՄԵՆԵԱՆ ՊԱՐՍԿԱՍՏԱՆԻ ՍԱՏՐԱՊՈՒԹԵԱՆ ՎԱՐՉԱԿԱՆ ԲԱԺԱՆՈՒՄԸ

Յովհաննես Խորիկեան

Աքեմենեան Պարսկաստանի սատրապական բաժանման համակարգում Փոքր Ասիան (յատկապէս՝ վերջինիս արեւմտեան եւ կենտրոնական շրջանները) ունէր առանձնայատուկ նշանակութիւն, քանի որ Աքեմենեանների յարաբերութիւնները Աթէնքի կամ Սպարտայի հետ գրեթէ միշտ լարուած էին, եւ պատերազմական գործողութիւնների թատերաբեմ դառնում էին նաեւ Աքեմենեանների փոքրասիական տիրոյթները, որոնց մէջ կարեւոր նշանակութիւն ունէր III սատրապութիւնը, որի վարչական բաժանման քննութեանն էլ նուիրուած է սոյն յօդուածը:

Յոյն պատմիչ Հերոդոտոսը, անդրադառնալով Աքեմենեան Պարսկաստանի III սատրապութեանը, գրում է. «Դէպի ներս նաւարկելիս աջակողմեան հելլեսպոնտոսցիներից, փոխադրացիներից, Ասիայի թրակացիներից, պափլագոնացիներից, մարիանդիներից եւ սիրիացիներից (ստացուող) հարկը երեք հարիւր վաթսուն տաղանդ (էր). այս նահանգը երրորդն էր»¹: Պատմիչի տեղեկութիւնից պարզուում է, որ III սատրապութիւնը տարածուել է Փոքր Ասիայի հիւսիսային եւ կենտրոնական հատուածների մեծ մասի վրայ, ընդ որում՝ Փոխադրացի եւ սիրիացիների երկիրը՝ Կապադովկիան², ընդգրկել են հսկայական շրջաններ: Ստորեւ կը քննենք Հերոդոտո-

սի եւ միւս հեղինակների տեղեկութիւնները Աքեմենեան դարաշրջանի Փոխադրացի եւ III սատրապութեան կազմում յիշատակուած մնացած երկրների վարչական ու պատմաաշխարհագրական իրողութիւնների վերաբերեալ:

Ասկանիայից (հաւանաբար՝ ներկայիս Իզնիկ լճի շրջանը) եկած փոխադրացիները մասնակցել են Տրոյական պատերազմին³: Հերոդոտոսի յաջորդ տեղեկութիւնը վերաբերում է Քսերքսէսի՝ Հելլադա արշաւող բանակի էթնիկական կազմի նկարագրութեանը: Պատմիչը փոխադրացիների մասին հաղորդում է հետեւեալը. «Փոխադրացիներն ունէին պափլագոնականին շատ նման հանդերձանք, քիչ տարբեր դրանից: Մակեդոնացիներն ասում են, թէ փոխադրացիները, քանի դեռ բնակուում էին Եւրոպայում՝ մակեդոնացիների հարեւանութեամբ, կոչուում էին բրիգներ. բայց Ասիա տեղափոխուելուց յետոյ իրենց երկրի հետ փոխեցին նաեւ իրենց անունը՝ (կոչուելով) փոխադրացիներ: Արմէնները եւս, լինելով փոխադրական վերաբնակիչներ, զինուած էին փոխադրացիների նման: Այս երկուսին առաջնորդում էր Արտաքսէսը, որն ամուսնացել էր Դարեհի դստեր հետ»⁴: Արմէնների յիշատակութեանն արդէն անդրադարձել ենք⁵, եւ, դատելով Պլատայի ճակատամարտին փոխադրացիների առանձին յիշա-

1 Հերոդոտոս, Պատմութիւն ինը գրքից, թարգմանութիւնը Ս. Կրկեաշարեանի (այսուհետեւ՝ Հերոդոտոս), Երեւան, 1986, III, 90:
 2 Տե՛ս Յ. Խորիկեան, Կապադովկիայի տարածքը եւ սահմանները Աքեմենեան Պարսկաստանի կազմում, - Լրաբեր հասարակական գիտութիւնների, 2010, թիւ 1-2, էջ 107-118:

3 Հոմերոս, Իլիական, հին լուսարեւից թարգմ. Լ. Համբարձումեան (այսուհետեւ՝ Իլիական), Երեւան, 1955, II, 360:
 4 Հերոդոտոս, VII, 73:
 5 Տե՛ս Յ. Խորիկեան, Սատրապական Հայաստանի արեւմտեան եւ հարաւային սահմանները մ. թ. ա. VI-IV դարերում, - ՊԲՀ, 2005, թիւ 3, էջ 181:

տակութիւնից⁶, առաւել հաւանական է ենթադրել, որ փոխադրուածներն արշաւանքին մասնակցել են առանձին հրամանատարութեան տակ՝ միաւորուած չլինելով այլ ժողովրդի կամ ժողովուրդների հետ: Հերոդոտոսը փոխադրուածներին յիշատակում է Կրեսոսին հպատակ ժողովուրդների թուում, որոնք բնակուել են Հալիւս գետից արեւմուտք⁷: Պատմիչի յաջորդ տեղեկութիւններից եւս պարզուում է, որ լիւդիացիներից արեւմուտք գտնուող փոխադրուածներն արեւելքում հասել են մինչեւ սահմանային Հալիւս գետը⁸:

Փոխադրուածները տարածքով էր անցնում նաեւ պարսից «Արքայական ճանապարհի» մի հատուածը. «Լիւդիայի եւ Փոխադրուածների միջով անցնող հատուածում կայ քսան կայան, իսկ (ճանապարհի այդ հատուածի) երկարութիւնը իննսուն չորս եւ կէս փարսախ է: Փոխադրուածները յետոյ (ճանապարհը) տանում է դէպի Հալիւս գետը, որտեղ (լեռնային) դարպասներն են, որոնցով անցնելուց յետոյ կտրուած-անցնում են գետը: Անցարանում կայ ուժեղ ամրացուած պահակակէտ: Այնուհետեւ, Կապադովկիա մտնելով, ճանապարհը ձգուում է մինչեւ Կիլիկիայի սահմանը քսանութ կայան՝ հարկը չորս փարսախ»⁹: Այս տեղեկութիւնից պարզուում է, որ Հերոդոտոսի ժամանակ Փոխադրուածները որոշակի մի հատուածից, որը կարող է լինել ներկայիս Անկարայի շրջանը, «Արքայական ճանապարհի» երթուղու մի հատուածը մինչեւ Հալիւս գետը չի մտել Փոխադրուածների մէջ, ուրեմն՝ Հալիւսից արեւմուտք Անկարայի ուղղութեամբ ընկած հատուածը գտնուել է Կապադովկիայի կազմում¹⁰: Մինչեւ Դարեհ Ա-ի ձեռնար-

կած վարչական վերափոխումները Փոխադրուածներն Լիւդիայի եւ Հոնիայի հետ կազմել է մէկ սատրապութիւն¹¹: Այս սատրապութիւնը կառավարում էր Օրոյտէսը, որը սպանուում է Դարեհ Ա-ի հրամանով¹²: Փոխադրուած բնակուել են վերաբնակեցուած պայտնները¹³:

Հերոդոտոսի յաջորդ հաղորդման մէջ կան պատմաաշխարհագրական կարեւոր բնոյթի տեղեկութիւններ, որոնց պարզաբանումը թոյլ է տալիս կատարել տեղագրական ճշգրտումներ եւ նոյնացումներ: Հերոդոտոսը գրում է, որ Կրիտալլայից շարժուող «պարսիկները (նկատի ունի Քսերքսէսի պարսկական բանակը - Յ. Խ.), անցնելով Հալիւս գետը, մտան Փոխադրուածներ, այդ երկրի միջով ընթանալով, հասան Կելայնէ, որտեղ գտնուում են Մէանդրոս գետի եւ Մէանդրոսից ոչ պակաս խոշոր Կատարակտէս կոչուած գետի ակունքները: Կատարակտէսը բխում է Կելայնէի վաճառատեղից եւ թափուում Մէանդրոս գետը»¹⁴: Հերոդոտոսի տեղեկութիւնից ակնյայտ է, որ Հալիւս գետը բաժանում էր Կապադովկիան Փոխադրուածներից: Մեր կարծիքով Քսերքսէսը Հալիւս գետն անցնում է ներկայիս Քըրըքկալէի հատուածում, որն «Արքայական ճանապարհի» կարեւոր անցումներից էր¹⁵, իսկ Կապադովկիայի Կրիտալլան էլ տեղադրուում է ներկայիս Եօզդաղի շրջանում¹⁶: Հերոդոտոսի Կելայնէ

11 Հերոդոտոս, III, 127:
 12 Նոյն տեղում, III, 128: Դիոդորոսը եւ Աթենիոսը նույնպէս խօսում են Դարեհ Ա-ի կողմից Հոնիայի, Դասկիլէայի եւ Սարդէսի ֆեոս վերադարձնելու մասին (տե՛ս A. T. Olmstead, *History of the Persian Empire*, Third Impression, Chicago, 1960, p. 110-111):
 13 Նոյն տեղում, V, 98:
 14 Նոյն տեղում, VII, 26:
 15 Յ. Խորիկեան, Կապադովկիայի տարածքը եւ սահմանները Աքեմենեան Պարսկաստանի կազմում, էջ 113:
 16 Կրիտալլայի նոյնացումը Տիւրքիայի ընդունելի չէ (տե՛ս *Dictionary of Greek and Roman Geography*, ed. by W. Smith, v. I, Boston, 1854, p. 579-

6 Հերոդոտոս, IX, 32:
 7 Նոյն տեղում, I, 28:
 8 Նոյն տեղում, I, 72; V, 49; VII, 26:
 9 Նոյն տեղում, V, 52:
 10 Այս մասին տե՛ս Յ. Խորիկեան, Կապադովկիայի տարածքը եւ սահմանները Աքեմենեան Պարսկաստանի կազմում, էջ 114-115:

քաղաքի տեղադրութիւնը որոշակի դժուարութիւն է ներկայացնում այն առումով, որ յոյն պատմիչը չի նշում Քսերքսէսի անցած ճանապարհն ըստ փարսախների, հետեւաբար՝ տեղագրական նոյնացումները պէտք է առաւել յստակեցուեն այլ աղբիւրների համեմատութեամբ: Մէանդրոս գետը բազմիցս յիշատակուում է հին հեղինակների կողմից, իսկ Կատարակտէս անունը նշանակուում է ջրվէժ: Կելայնէի տեղադրութեան համար պէտք է նկատի ունենալ, որ Հերոդոտոսը Մէանդրոսի եւ Կատարակտէսի ակունքները դնում է նոյն քաղաքի շրջանում, ընդ որում՝ յաջորդ տեղեկութեան մէջ արդէն Կատարակտէսի ակունքներն է դնում Կելայնէ քաղաքում, իսկ գետն էլ թափուում է Մէանդրոս գետը: Մէանդրոս գետը նոյնանում է ներկայիս Մեծ Մենդերէս գետին¹⁷, հետեւաբար՝ Կելայնէ քաղաքն էլ տեղադրուում է ներկայիս Դինար քաղաքի շրջանում՝ Կատարակտէսի ակունքներում: Այսպիսի տեղադրութեամբ Կելայնէն համապատասխանում է հին Ապամէային¹⁸: Այնուհետեւ Քսերքսէսը, «անցնելով Անաւա կոչուած փոխադրական քաղաքը եւ լիճը, որտեղից աղ էին ստանում, հասնում է Փոխադրուածների Կոլոսաս կոչուած խոշոր քաղաքը: Այստեղ Լիւկոս գետը թափուում է երկրի բացուածքի մէջ եւ անհետանում. բայց մօտաւորապէս հինգ ասպարէզ անցնելուց յետոյ, նորից յայտնուելով, թափուում է Մէանդրոսի մէջ: Կոլոսասից զօրքը շարժուեց դէպի Փոխադրուածներ եւ Լիւդիայի սահմանը եւ հասաւ Կիւլարարա քաղաքը, որտեղ կայ հողի մէջ

խրուած կոթող. այն կանգնեցրել է Կրեսոսը. դրա վրայ կայ արձանագրութիւն, որը նշագծում է այդ սահմանը:

Փոխադրուածները նա մտաւ Լիւդիա, որտեղ ճանապարհը բաժանուում է: Դէպի ձախ այն տանում է Կարիա, իսկ դէպի աջ՝ Սարդէս: Այս ճանապարհով գնալիս պէտք է անցնել Մէանդրոս գետը եւ գնալ Կալլատերոս քաղաքի մօտով, որտեղ արհեստագործ մարդիկ մոշենուց եւ ալիւրից մեղր են պատրաստում: Այս ճանապարհով գնալիս Քսերքսէսը պատահեց սօսու, որին, նրա գեղեցկութեան պատճառով, նա ընծայեց ոսկէ զարդ եւ նրա պահպանումը յանձնարարեց անմահներից մէկին: Յաջորդ օրը նա հասաւ Լիւդիայի մայրաքաղաք»¹⁹:

Կելայնէից արեւմուտք ընկած Անաւա քաղաքը՝ համանուն լճով, նոյնանում է ներկայիս Չարդակին եւ Աղիզեօլ լճին: Կոլոսաս քաղաքն էլ գտնուել է Չարդակից արեւմուտք եւ համապատասխանում է Լիւկոսի Լաոդիկէային²⁰ (ներկայիս Դենիզլի կամ Հոնազի մօտ), որից հիւսիս Կիւլարարա քաղաքն էր (հաւանաբար՝ Հիերապոլիսը): Ինչպէս տեսնում ենք, Քսերքսէսը շարժուել է Մէանդրոսի ձախափնեակով եւ Հիերապոլիսից հիւսիս անցել է գետը, որը բաժանում էր Փոխադրուածներից: Կալլատերոս քաղաքը գտնուում էր Մէանդրոս գետից հիւսիս՝ Կոլոսաս գետի ձախափնեակում, եւ տեղադրուում է, հաւանաբար, յետագայի Փիլադելփիա քաղաքի շրջանում՝ Սարդէս տանող ճանապարհին:

Հերոդոտոսի տեղեկութիւնների պարզաբանման համար կարեւոր նշանակութիւն ունեն նաեւ Քսենոփոնի տեղեկութիւնները Կիւրոս Կրտսերի բանակի անցած

580; W. M. Ramsay, *The historical geography of Asia Minor*, London, 1890, p. 41):
 17 Հմմտ. *Dictionary of Greek and Roman Geography*, ed. by W. Smith, v. II, Boston, 1857, p. 243:
 18 W. M. Ramsay, *The historical geography of Asia Minor*, p. 41. տե՛ս Pliny, *Natural History*, vol. II, with an English translation by H. Rackham, Cambridge-Massachusetts-London, 1947, Loeb Classical Library, V, 106, p. 300:

19 Հերոդոտոս, VII, 30-31:
 20 Կոլոսասը նոյնացուել է բիզանդական ժամանակաշրջանի Խոնասին (տե՛ս W. M. Ramsay, *The Cities and Bishoprics of Phrygia*, vol. I, Oxford, 1895, p. 208, 213): Լիւկոսի Լաոդիկէան յիշատակում է Պլինիոս Աւագը (տե՛ս Pliny, *Natural History*, V, 105, p. 298):

երթուղու վերաբերեալ: Ըստ «Անաբասի»²¹ Կիւրոսը «ճանապարհ ընկաւ Սարգէսից եւ անցաւ Լիւզիայի վրայով 3 կայան՝ 22 փարսախ, մինչեւ Մէանդրոս գետը: Սրա լայնքը երկու պելթրոն է, եւ այնտեղ կամուրջ կար՝ եօթ նաւի վրայ կապած: Անցնելով գետը, նա արշաւեց Փոլիզիայի միջով մի կայան՝ ութ փարսախ ճանապարհ, մինչեւ Կոլոսոս, որը բազմամարդ, հարուստ ու խոշոր քաղաք էր... Այստեղից առաջ ընթացաւ երեք կայան՝ 20 փարսախ, մինչեւ Կելենէ՝ Փոլիզիայի բազմամարդ, խոշոր եւ հարուստ քաղաքը: Այստեղ Կիւրոսն ապարանք ունէր եւ ընդարձակ պարտէզ... Պարտէզի միջով հոսում է Մէանդրոս գետը, իսկ նրա ափերը բազմաբնակ քաղաքներ են: Գետը հոսում է նաեւ Կելենէ քաղաքի միջով: Կելենէում գտնուում է նաեւ մեծ արքայի ամրացում ապարանք՝ միջնաբերդից ներքեւ՝ Մարսիաս գետի ափերը: Մա եւս անցնում է քաղաքի միջով ու թափւում Մէանդրոս գետը: Մարսիասի լայնքը 25 ոտք է...»

Այստեղից առաջ է ընթանում երկու կայան՝ 10 փարսախ, մինչեւ Պելտէ բազմամարդ քաղաքը: Այստեղից առաջ ընթացաւ երկու կայան՝ 12 փարսախ, մինչեւ Կերամոն-Ագորա (բառացի՝ խեցեղէնի շուկայ - Յ. Խ.) կոչուած մարդաշատ քաղաքը, որը գտնուում է Միւսիայի ծայր սահմանում: Այստեղից առաջ է ընթանում երեք կայան՝ 30 փարսախ, մինչեւ Կաւստրուպեդիոն մարդաշատ քաղաքը...

Այստեղից առաջ է ընթանում երկու կայան՝ 10 փարսախ, մինչեւ Թիւմբրիոն մարդաշատ քաղաքը: Այստեղից առաջ է ընթանում երկու կայան՝ 10 փարսախ, մինչեւ Տիւրիայոն մարդաշատ քաղաքը:

Այստեղից առաջ ընթացաւ երեք կայան՝ 20 փարսախ, մինչեւ Իկոնիոն՝ Փոլիզիայի վերջին սահմանային քաղաքը: Այստեղ երեք օր մնաց: Այստեղից առաջ ըն-

թացաւ Լիւզիայի միջով հինգ կայան՝ 30 փարսախ»²¹:

Քսենոփոնի վկայութիւնների համեմատութիւնը Հերոդոտոսի տեղեկութիւնների հետ թոյլ է տալիս ոչ միայն տեսնել որոշ տեղանունների եւ գետերի անունների նոյնացումը, այլեւ աւելի մանրամասնօրէն ստուգել եւ ներկայացնել Փոլիզիայով անցնող ճանապարհահատուածը՝ կատարելով տեղագրական պարզաբանումներ: Քսենոփոնի ժամանակ նոյնպէս Մէանդրոս գետը Լիւզիան բաժանում էր Փոլիզիայից, որտեղ առաջինը յիշատակուած Կոլոսոս քաղաքը նոյնանում է Հերոդոտոսի Կոլոսային, որտեղից անցնելով մօտ 120 կմ հասնում է Կելենէ՝ Հերոդոտոսի Կելայնէ քաղաքին: Մարսիաս գետն էլ նոյնանում է Հերոդոտոսի Կատարրակտէսին: Կելենէից Կիւրոս Կրտսերի բանակը շարժուում է Պելտէ քաղաքը, որը գտնուում էր 50-60 կմ հեռու: Պելտէից 60-70 կմ հեռու գտնուում էր Կերամոնեւագորա քաղաքը, որը, ըստ Քսենոփոնի, գտնուել է Միւսիայի ծայր սահմանում կամ աւելի ճիշտ Միւսիայի ուղղութեամբ²²: Կերամոնեւագորայից անցնելով 160-180 կմ Կիւրոս Կրտսերի բանակը հասնում է Կաւստրուպեդիոն քաղաքը: Պելտէից մինչեւ Կաւստրուպեդիոն Կիւրոս Կրտսերի անցած երթուղին որոշ հակասութիւնների տեղիք է տալիս, եւ պատահական չէ, որ ուսումնասիրողները երթուղին Կելենէից տարել են հիւսիս՝ դէպի Պելտէ, այնուհետեւ Մէանդրոսից հիւսիս տեղադրել են Կերամոն-Ագորան, որը գտնուել է Միւսիային մօտ կամ վերջինիս ուղղութեամբ: Կերամոն-Ագորայից պարսկական բանակի երթուղին կրկին թեքուել է դէպի արեւելք եւ հասել մինչեւ Կաւստրուպե-

21 Քսենոփոն, Անաբասիս, թարգմ. Ս. Կրկեաշարեանի, Եր., 1970, էջ 10-12:
22 Xenophon, Anabasis (with an English translation by Carleton L. Brownson), Books I-VII, Cambridge-Massachusetts-London, 1980, Loeb Classical Library, p. 14.

դիոն քաղաքը²³: Անկասկած, նման երթուղին տարակարծութիւնների տեղիք է տալիս, քանի որ հարց է ծագում, թէ ինչու Կիւրոս Կրտսերի բանակը պէտք է իր ճանապարհը շեղէր հիւսիս, ապա կրկին շարժուէր դէպի արեւելք, այն դէպքում, երբ Աքեմենեան արքայորդու նպատակն ի սկզբանէ դէպի արեւելք շարժուելն էր: Հարկաւ, եթէ Կիւրոսը մօտենում էր Միւսիայի սահմանին, ապա դրա համար լուրջ պատճառներ պէտք է ունենար, ինչը Քսենոփոնի պատմածից չի երեւում: Յաջորդ կարեւոր հարցն այն է, որ Քսենոփոնը չի նշում Մէանդրոսը կրկին գետանցելու մասին, հետեւաբար Կերամոն-Ագորայի տեղագրութիւնը գետից հիւսիս արդէն կասկածելի է: Կերամոն-Ագորան մասնագիտական գրականութեան մէջ տեղագրուել է Ուշակից հիւսիս-արեւելք²⁴: Մեր կարծիքով՝ Միւսիայի յիշատակութիւնը Քսենոփոնի յիշեալ տեղեկութեան մէջ ուշ շրջանի ընդմիջարկութիւն է եւ, հաւանաբար, շփոթուել է մէկ այլ քաղաքի հետ, որտեղ խեցեղէնի առեւտուրը եւ արտադրութիւնը նոյնպէս զարգացած է եղել՝ պատճառ դառնալով օտարների համար քաղաքանուան փոփոխութեանը: Պելտէի նոյնացումը ներկայիս Սանդրկլըին, որը Պեւտինգերեան քարտէզի Պելլան է²⁵, հաւանական է: Այսպիսի նոյնացման պարագայում Կերամոն-Ագորան համապատասխանում է Սանդրկլըինից հիւսիս ընկած Աֆիոնին, որը կարեւոր ճանապարհային հանգույց է եւ վարչական կենտրոն: Կերամոն-Ագորայից յետոյ ճանապարհը հասել է մինչեւ Կաւստրուպեդիոն, ընդ որում՝ ճանապարհի երկարութիւնն, ըստ Քսենոփոնի, կազմել է 30 փարսախ կամ

մօտ 180 կմ, ինչը մեր տեղագրական նոյնացումների դէպքում շատ է:

Կաւստրուպեդիոնը տեղադրուում է Աֆիոնից հարաւ-արեւելք եւ համապատասխանում է ներկայիս Ակչեհիլի շրջանին, որից յետոյ գտնուող Իլդինը նոյնանում է Թիւմբրիոնին, իսկ Սաիթելին՝ Տիւրիայոնին²⁶: Փոլիզիայում Կիւրոս Կրտսերի վերջին հանգրուանը Իկոնիոն՝ ներկայիս Կոնիա սահմանային քաղաքն էր, որից յետոյ պարսից արքայազնը մտնում է Լիւզիայի:

Համաձայն Քսենոփոնի՝ Կիւրոս Կրտսերը Լիւզիայի, Մեծ Փոլիզիայի եւ Կապադովկիայի սատրապն էր եւ Կաստրոսի դաշտում հաւաքուող պարսկական զօրքերի ստրատեգոսը²⁷: Քսենոփոնի տեղեկութիւնից պարզուում է, որ Կիւրոս Կրտսերին էր յանձնուած Աքեմենեան Պարսկաստանի II եւ III սատրապութիւնների կառավարումը, ընդ որում՝ հետաքրքիր է, որ յոյն հեղինակը որպէս առանձին վարչական միաւոր խօսում է Մեծ Փոլիզիայի մասին: Քսենոփոնը տարբեր առիթներով եւս որպէս առանձին սատրապութիւն յիշատակում է Փոլիզիան, որը գտնուել է բիւթանացիներից՝ Ասիայի թրակացիներից հարաւ²⁸: «Կիւրուպեդիայում» եւս Քսենոփոնը բազմիցս խօսում է զոյգ Փոլիզիաների մասին (Մեծ եւ Հելլեսպոնտոսեան)²⁹, ինչը վկայում է այն մասին, որ երկու Փոլիզիաները Կիւրոս Մեծի ժամանակ

23 Տե՛ս, օրինակ, Xenophon, Anabasis, գրքից Կից քարտէզը:
24 Dictionary of Greek and Roman Geography, v. I, p. 590:
25 Dictionary of Greek and Roman Geography, v. II, p. 572:

26 Մասնագիտական գրականութեան մէջ Թիւմբրիոնը նոյնացուել է Հադրիանոպոլիսին, իսկ Տիւրիայոնը գտնուել է Կեօլի եւ Թոլոլի մօտ (տե՛ս W. M. Ramsay, The historical geography of Asia Minor, p. 40):
27 Քսենոփոն, Անաբասիս, էջ 7, 31: Պելլան, Թիւմբրիոնը, Տիւրիայոնը Լիւկաոնիայի կազմում յիշատակում է Պլինիոս Աւագը (տե՛ս Pliny, Natural History, V, 95, p. 292):
28 Քսենոփոն, էջ 127, 150, 197:
29 Քսենոփոն, Կիրոպեդիա, թարգմ. Ս. Կրկեաշարեանի (այսուհետեւ՝ Կիրոպեդիա), Երեւան, 2000, էջ 5, 35, 60, 146, 241, 285-287, 355:

եղել են առանձին վարչական միավորներ³⁰, որոնք Դարեհ Ա-ի օրօք միավորում են եղել նույն սատրապության մէջ:

Դիողորոս Միկիլիացին գրում է, որ Կիւրոս Կրտսերը Լիւդիայի եւ Փոլիգիայի կառավարիչներ է նշանակում իր ազգականներին³¹: Հեղինակը նաեւ յիշատակում է Փոլիգիայի Կոլոսոս քաղաքը³²: Հեղինակը տարբեր առիթներով Աքեմենեանների տիրապետութիւնից ե՛ւ առաջ, ե՛ւ յետոյ առանձին-առանձին յիշատակում է Մեծ եւ Հելլեսպոնտոսեան Փոլիգիաները³³: Ալեքսանդրի մահից յետոյ Պերզիկկասը, ըստ Դիողորոսի մի տեղեկութեան, Անտիգոնոսին է տալիս Պամփիլիան, Լիւկիան եւ Մեծ Փոլիգիան, իսկ Համաձայն միւսի՝ Լիւկիան եւ Մեծ Փոլիգիան³⁴:

Փոլիգիայի մասին կարեւոր տեղեկութիւններ են հաղորդում Արիանոսը եւ Ռուփոսը: Արիանոսը գրում է, որ Ալեքսանդրը ներխուժում է Մեծ Փոլիգիայի Միլիաս մարզը, որը պարսից թագաւորի հրամանով միացուել էր Լիւկիային³⁵: Փոլիգիան, ըստ պատմիչի, եղել է առանձին սատրապութիւն³⁶: Հելլեսպոնտոսի մօտի Փոլիգիան, որը հեղինակը անուանում է նաեւ Փոլիգիա, նույնպէս եղել է առանձին սատրա-

պութիւն՝ Արսիտոսի ղեկավարութեամբ³⁷: Արիանոսը երկու Փոլիգիաները յիշատակում է որպէս Ալեքսանդրի նուաճած երկրներ³⁸: Արիանոսի յիշատակած Ասկանիա աղի լիճը համապատասխանում է Հերոդոտոսի Անաւային, իսկ Փոլիգիայի սատրապի նստավայր Կելենէն՝ Կելայնէին³⁹: Վերջինս Մեծ Փոլիգիայի կենտրոնն էր⁴⁰: Պատմիչը Գորդիոնը տեղադրում է Փոլիգիայում՝ Սանգարիոս գետի հովտում, որի ակունքները գտնուել են Փոլիգիայում⁴¹: Պոմպէոս Տրոգոսը Գորդիոնը տեղադրում է Մեծ ու Փոքր Փոլիգիաների միջեւ⁴², վերջինիս, այսինքն՝ Հելլեսպոնտոսեան Փոլիգիայի հարաւային սահմանը հասցնելով մինչեւ Գորդիոն: Արիանոսը Անկիւրան համարում է Գալատիայի քաղաքներից մէկը⁴³, ինչն ուշ շրջանի պատմաաշխարհագրական իրողութիւնների հետ է կապուած, եւ հէնց պատմիչի խօսքից էլ ակնյայտ է, որ նշուած տարածքը մտել է Փոլիգիայի կազմի մէջ՝ Փոլիգիայի սատրապի ղեկավարութեամբ:

Հետաքրքիր են նաեւ Ռուփոսի տեղեկութիւնները: Ռուփոսը յիշատակում է Կելենէ քաղաքը եւ Մարսիոս գետը⁴⁴: Պատմիչը գրում է, որ Փոլիգիայում աւելի շատ գիւղեր կային, քան քաղաքներ, որոնցից ամենանշանաւորը Սանգարիոսի հովտում

30 Հերոդոտոսը յայտնում է, որ Կիւրոս Մեծի ժամանակ Օրոյտէսը Սարդէսի հիւպարքոսն էր, իսկ Միտրոքատէսը Դասկիլէա Ասիական կառավարիչը (Հերոդոտոս, III, 120):
31 Դիողորոս Միկիլիացի, Պատմական գրադարան, թարգմ. բնագրից, առաջաբան եւ ծանօթագրութիւններ Ս. Կրկեաշարեանի, Երեւան 1985, էջ 57 (այսուհետեւ՝ Դիողորոս Միկիլիացի):
32 Նոյն տեղում, էջ 70:
33 Նոյն տեղում, էջ 17, 75, 80, 82, 110-113:
34 Նոյն տեղում, էջ 110, 113:
35 Արիանոս, Ալեքսանդրի արշաւանքը, «Ալեքսանդր Մակեդոնացի» (այսուհետեւ՝ Արիանոս), Երեւան, 1987, էջ 45: Միլիաս մարզի հետ համապար կապուած է Հեկատէոս Միլեթացուի՝ Փոլիգիայում յիշատակած միլիսիաներ ժողովուրդը (տե՛ս C. Müller, Fragmenta historicorum graecorum, v. I, Parisiis, 1841, fr. 206, p. 14):
36 Արիանոս, էջ 46:

37 Նոյն տեղում, էջ 28, 33, 117:
38 Նոյն տեղում, էջ 200, 251:
39 Նոյն տեղում, էջ 51:
40 Plutarch's Lives, with an English translation by B. Perrin, vol. VIII, Cambridge-Massachusetts-London, 1959, Loeb Classical Library, Eumenes, 8.5, p. 103; Briant P., From Cyrus to Alexander. A History of the Persian Empire, translated by P. T. Daniels, Winona Lake, Indiana, Eisenbrauns, 2002, p. 705.
41 Արիանոս, էջ 51:
42 Pompei Trogi Fragmenta, collegit O. Seel, Lipsiae, 1961, 11, 7, 3, p. 86.
43 Արիանոս, էջ 57:
44 Ռուփոս, Ալեքսանդր Մակեդոնացու պատմութիւնը, «Ալեքսանդր Մակեդոնացի» (այսուհետեւ՝ Ռուփոս), Երեւան, 1987, էջ 279:

գտնուող Գորդիոնն էր⁴⁵: Ռուփոսը եւս յիշատակում է Անկիւրան, այն տարբերութեամբ, որ Ալեքսանդրը մտնում է նախ Պամփիլիան, յետոյ Կապադովկիա⁴⁶: Հեղինակը Փոլիգիան նշում է Ալեքսանդրի նուաճած երկրների թւում⁴⁷: Ալեքսանդրի մահից յետոյ Լիւկիան Պամփիլիայի եւ Մեծ Փոլիգիայի հետ բաժին է հասնում Անտիգոնոսին, իսկ Հելլեսպոնտոսին սահմանակից Փոքր Փոլիգիան՝ Լէոնատոսին⁴⁸: Փաստօրէն Մեծ եւ Փոքր Փոլիգիաները՝ վարչական առանձին միավորներ լինելու հանգամանքը վկայուած է նաեւ Աքեմենեան Պարսկաստանի մայրամուտին, հետեւաբար՝ ստորեւ կը փորձենք յստակեցնել Փոքր Փոլիգիայի ընդգրկած տարածքը:

Աշխարհագրական առումով Փոքր Փոլիգիան համապատասխանում է III սատրապութեան կազմում յիշատակուած աջակողմեան Հելլեսպոնտոսիներին, որոնց յաջորդում են փոլիգիացիները:

Հերոդոտոսը մի առիթով յիշատակում է Հելլեսպոնտական երկրի տիրաններ Դափնիս Աբիւղոսցուն, Հիպոկլիոս Լամպսակոսցուն, Հերոփանտոս Պարիոնցուն, Մետրոդորոս Պրոկոնեսցուն, Արիստագոն Կիւզիկոսցուն, Արիստոն Բիւզանդիոնցուն, նաեւ՝ Հելլեսպոնտոսեան քերսոնեսցիների զօրապետին⁴⁹: Նշուած քաղաքների տեղադրութիւնը ցոյց է տալիս, որ Հերոդոտոսը Հելլեսպոնտական երկրին աշխարհագրական առումով տալիս է ընդարձակ տարածք՝ Բիւզանդիոնից մինչեւ Դարդանէլ, այն դէպքում, երբ այլ տեղեկութեան մէջ Հելլեսպոնտոսը միայն Դարդանէլի նեղուցն է⁵⁰: Հերոդոտոսը Հելլես-

պոնտոսիներին ընդարձակ իմաստով է յիշատակում նաեւ Քսերքսէսի բանակի կազմում⁵¹: Եթէ մի կողմ թողնենք Բիւզանդիոնի, մէկ այլ տեղում յիշատակուած Հելլեսպոնտոսեան Սեստոսի⁵² տեղադրութիւնները, որոնք վերաբերում են ձախակողմեան Հելլեսպոնտոսին, ապա Հերոդոտոսի յիշատակած Հելլեսպոնտական քաղաքների տեղադրութիւնն արեւելքում կ'ըզրագծուի Կիւզիկոս քաղաքով: Այս առումով հետաքրքիր է Արիանոսի այն տեղեկութիւնը, որ Փոքր Փոլիգիայի սատրապ Արսիտոսն իր սատրապութիւն է փախչում Գրանիկոս գետի մօտ տեղի ունեցած ճակատամարտից անմիջապէս յետոյ, ընդ որում՝ պատմիչի յիշատակած Զելէա քաղաքը⁵³ գտնուում է Գրանիկոսից արեւելք, Կիւզիկոսից հարաւ: Ստացւում է, որ Դարդանէլից մինչեւ Կիւզիկոս ընկած տարածքը չի մտել Աքեմենեան Պարսկաստանի III սատրապութեան մէջ եւ տուեալ ժամանակաշրջանում ներառուել է Լիւգիական սատրապութեան մէջ: Նշուած տարածքի վերաբերեալ հին աղբիւրների տեղեկութիւնները բացայայտում են կարեւոր վարչաքաղաքական իրողութիւններ:

Այսպէս, ըստ Հերոդոտոսի Անտանդրոսը եւ Լամպոնիոնը գտնուել են Տրոյական երկրում, իսկ Դարդանոսը, Աբիւղոսը, Պերկոտէն, Լամպսակոսը, Պայսոսը, Պարիոնը համարում է Հելլեսպոնտոսի քաղաքներ⁵⁴: Յոյն պատմիչի մէկ այլ տեղեկութիւնից էլ պարզուում է, որ Տրոյադա-

45 Նոյն տեղում, էջ 280:
46 Նոյն տեղում, էջ 281:
47 Նոյն տեղում, էջ 411: Փոլիգիացիների մասակցութիւնը Գալատիայի ճակատամարտին բացատրում է (Նոյն տեղում, էջ 351):
48 Նոյն տեղում, էջ 596:
49 Հերոդոտոս, IV, 137-138:
50 Նոյն տեղում, IV, 85:

51 Նոյն տեղում, VII, 95: Աբիւղոսիցներն առանձին են յիշատակուում, բայց ճոյն հելլեսպոնտոսցիներն են:
52 Նոյն տեղում, VII, 33; 78, IX, 114:
53 Արիանոս, էջ 28, 33:
54 Հերոդոտոս, V, 26, 117: Սկիլաքս Կարիանցիացին Դարդանոսը տեղադրում է Տրոյադայում, իսկ Աբիւղոսը եւ միւս քաղաքները՝ Փոլիգիայում (տե՛ս Скилак Карниандский, Перипл обитавшего моря, «Вестник древней истории», 1988, № 2, с. 261):

յում բնակուել են նաեւ էոլիացիներ⁵⁵: Քսենոփոնն առանձին-առանձին յիշատակում է էոլիսը, Փոլիզիան, Տրովադան եւ Փառնաբազոսի երկիրը⁵⁶: Տուեալ տեղեկութեան մէջ Փոլիզիան նոյնանում է Մեծ Փոլիզիային, իսկ Փառնաբազոսի Փոլիզիան Հելլեսպոնտոսեան Փոլիզիան է, հետեւաբար՝ տեղեկութիւնից կարելի է եզրակացնել, որ Տրովադան չի ենթարկուել Փառնաբազոսին եւ վարչական առումով գտնուել է Լիւդիական սատրապութեան մէջ: Քսենոփոնի տեղեկութիւններից մէկում էլ Տրովադան տեղադրուում է Լամփսակոսից հարաւ եւ ձգւում մինչեւ Իդէ կամ Իդա լեռն ու Անտանդրոս քաղաքը, որոնցից յետոյ Միւսիան էր⁵⁷: Ստրաբոնը գրում է, որ Տրովադան հնում կոչուել է փոլիզիական, քանի որ Տրոյայի կործանումից յետոյ վերջինիս տիրեցին փոլիզիացիները, եւ նշում է, որ Հոմերոսը Տրովադայի սահմանը հիւսիսում եւ արեւելքում հասցնում էր մինչեւ Էսեպոս՝ ներկայիս Գեօնենչայի գետը⁵⁸: Ընդ որում՝ Էսեպոսից արեւմուտք ընկած որոշ տարածքներ յետագայում պատկանել են կիւզիկոսցիներին⁵⁹: Պլինիոս Աւագն էլ գրում է, որ Տրովադան տարածուել է Հելլեսպոնտոսի ափին⁶⁰:

Քսենոփոնը յայտնում է, որ Փոլիզիայի սատրապ Փառնաբազոսը փորձում է փակել հելլէնների մուտքը դէպի իր սատրապութիւն՝ օգնութեան գալով բիւթանացիներին⁶¹: Փառնաբազոսը (Ք. ա.

414-388 թթ.⁶²) Փոքր կամ Հելլեսպոնտոսեան Փոլիզիայի կառավարիչն էր, որը նոյնանում է բիւթանիացիների սատրապ Փառնաբազոսին⁶³, այսինքն՝ Դարեհ Ա-ի ժամանակ ձեւաւորուած III սատրապութեան մէջ ներառուած աջակողմեան հելլեսպոնտոսցիները եւ Ասիայի թրակացիները կամ բիւթանիացիները Ք. ա. Ե. դարի վերջին հանդէս են գալիս որպէս առանձին սատրապութիւն, իսկ Քսենոփոնի յիշատակած Արտակամասը⁶⁴ Մեծ Փոլիզիայի սատրապն էր:

Հերոդոտոսը գրում է, որ Օրոյտէսի սատրապութեան կազմում էին Փոլիզիան, Լիւդիան եւ Հոնիան⁶⁵: Պատմիչը նաեւ յայտնում է, որ Օրոյտէսը սպանում է Դասկիլէյոնի կամ Դասկիլէյայի կառավարիչ Միտրոբատէսին⁶⁶: Դասկիլէյա սատրապութիւնը գտնուել է Կիւզիկոս քաղաքից արեւելք⁶⁷:

Դասկիլէյոն քաղաքը հաւանաբար հիմնադրել են լիւդիացիները. մայրաքաղաքի անունը կապուած է Գիւզէսի հօր՝ Դասկիլէյոսի անուն հետ⁶⁸:

Քսենոփոնը «Յունական պատմութիւն» գրքում նշում է, որ Ագեսիլայոսը ներխուժում է Փառնաբազոսի Փոլիզիա եւ սկսում այն աւերել⁶⁹: Փառնաբազոսը «Ա-

London, 1946, Loeb Classical Library, Agesilaus, I, 23, p. 70.

62 Դասկիլէյայի սատրապների մասին տե՛ս Յ. В. Рунг, *О сатрапских династиях в Ахеменидской державе: Фарнакиды в Даскилии*, «Ученые записки Казанского университета», т. 153, кн. 3, 2011, с. 87-94.

63 Քսենոփոն, *Անաբասիս*, էջ 197:

64 Նոյն տեղում:

65 Հերոդոտոս, III, 127:

66 Նոյն տեղում, III, 120; 126:

67 Նոյն տեղում, VI, 33:

68 Նոյն տեղում, I, 8: Տե՛ս նաեւ И. С. Свенцицкая, *Ионийские города в составе Лидийского царства*, - Проблемы античной истории и культуры, I, Ереван, 1979, с. 255.

69 Ксенофонт, *Греческая история*, пер. С. Лурье, Москва, 2010, с. 334; Плутарх, *Агесилай*, X, XI,-

55 Հերոդոտոս, V, 122:
 56 Քսենոփոն, *Անաբասիս*, էջ 127:
 57 Նոյն տեղում, էջ 195:
 58 Страбон, *География в 17 книгах* (перевод, статья и комментарии Г. А. Стратановского), Ленинград, 1964, с. 450, 529.
 59 Նոյն տեղում, էջ 539, 544-545, 548-549, 554:
 60 Pliny, *Natural History*, V, 121, p. 310.
 61 Քսենոփոն, *Անաբասիս*, էջ 150, 155; 161; Xenophon, *Scripta Minora*, with an English translation by E. C. Marchant, Cambridge, Massachusetts,

նաբասիսում» յիշատակուած Փոքր Փոլիզիայի եւ Բիւթանիայի սատրապն է, որի երկրից Ագեսիլայոսը մտնում է Պափլագոնիա⁷⁰: Փառնաբազոսի նստավայրն էր Դասկիլէյոնը⁷¹: Կարելի է ենթադրել նաեւ, որ Փառնաբազոսի իշխանութեան մէջ էր նաեւ Մեծ Փոլիզիան, որի Գորդիոն քաղաքը Փառնաբազոսի ձմեռային նստավայրն էր, իսկ Կելէնը Մեծ Փոլիզիայի ամենամեծ քաղաքն էր, որի մօտ գտնուում էին Մէանդրոս գետի ակունքները⁷²: Քսենոփոնի տեղեկութիւնից կարելի է ենթադրել, որ Կիւզիկոսը Փառնաբազոսի սատրապութեան մէջ էր մտնում, իսկ հոնիացիներից, էոլիացիներից յետոյ յիշատակուող Հելլեսպոնտոսի բնակիչները մտել են Հելլեսպոնտոսեան Փոլիզիայի մէջ⁷³: Փառնաբազոսի իշխանութեան մէջ էին նաեւ Քաղկեդոնը եւ Աբիւդոսը⁷⁴: Փառնաբազոսին ենթակայ սատրապութիւններից էր նաեւ էոլիսը⁷⁵: Դասկիլէյոն սատրապութիւնը Քսերքսէսի ժամանակ յիշատակում է Թուկիդիդէսը⁷⁶: Դասկիլէյոնը նուաճում է Պարմենիոնը

Գրանիկոսի ճակատամարտից յետոյ⁷⁷: Դասկիլէյոնը գտնուում էր Պրոպոնտիսի հարաւային ափին՝ Կիւզիկոսից արեւելք, Ռինդակոս գետի մօտ⁷⁸: Ի. Դեակոնովը Փոքր Փոլիզիան տեղադրում է Սանգարիոս գետի եւ Մարմարա ծովի միջեւ⁷⁹:

Ստրաբոնը Հելլեսպոնտոսեան Փոլիզիայի մէջ ներառում էր նաեւ Տրովադան⁸⁰: Ըստ Ստրաբոնի՝ Փոլիզիան բաժանուած էր երկու մասի՝ Մեծ Փոլիզիա, որին տիրել էր Միդասը, եւ Փոքր Փոլիզիա, որը գտնուում էր Հելլեսպոնտոսի եւ Օլիմպոսի մօտ ու յայտնի էր նաեւ Փոլիզիայ էպիկտետ անունով, որին նախկինում տիրում էին բիւթանիացիները⁸¹: Փոլիզիա էպիկտետը (բառացի՝ վերամիաւորուած) արեւելքում հասնում էր մինչեւ Ասկանիաս լիճը՝ ներկայիս Իզնիկը, իսկ արեւմուտքում ձգւում էր Տրոյայից այն կողմ⁸²: Դատելով Ստրաբոնի տեղեկութիւններից՝ Փոլիզիա էպիկտետի մէջ չէր մտնում Պրոպոնտիսի հարաւային մերձափնեայ շրջանը, այն դէպքում, երբ Աքեմենեան Պարսկաստանի գոյութեան ժամանակաշրջանում Դասկիլէյոնը մտնում էր Փոքր Փոլիզիայի մէջ: Անկասկած, այս բոլոր փոփոխութիւնները տեղի են ունեցել աւելի ուշ, եւ Ստրաբոնը հիմնականում արտացոլում է իր դարաշրջանի պատմաաշխարհագրական իրողութիւնները: Այս-

«Избранные жизнеописания», т. II, Москва, 1987, с. 246-247.

70 Ксенофонт, *Греческая история*, с. 334; Плутарх, *Алкивиад*, XXXVII, XXXIX, - «Избранные жизнеописания», т. I, Москва, 1987, с. 386-387.

71 Ксенофонт, *Греческая история*, с. 310, 324, 336, 502. Դասկիլէյոնը Հելլեսպոնտոսեան Փոնիզիայի սատրապի նստավայրն էր (տե՛ս P. Briant, *From Cyrus to Alexander*, p. 697):

72 Ксенофонт, *Греческая история*, с. 256, 491, 501:

73 Նոյն տեղում, էջ 248, 255, 337, 346; Плутарх, *Алкивиад*, XXVIII, с. 377-378.

74 Ксенофонт, *Греческая история*, с. 249, 250, 254-255, 306, 364.

75 Նոյն տեղում, էջ 306, 313, 371: Տե՛ս նաեւ М. А. Дандамаев, *Политическая история Ахеменидской державы*, Москва, 1985, с. 195; Յ. В. Рунг, *Греция и Ахеменидская держава: История дипломатических отношений в VI-IV вв. до н. э.*, Санкт-Петербург, 2008, с. 287, 293.

76 Thucydides, *History of the Peloponnesian war*, with an English translation by Ch. F. Smith, v. I, books I-II, Cambridge, Massachusetts, London, 1956, Loeb Classical Library, I, 129, I, p. 216.

77 Արիանոս, էջ 34:
 78 А. Т. Olmstead, *History of the Persian Empire*, p. 347; Ксенофонт, *Греческая история*, с. 501.
 79 И. Дьяконов, *Предыстория армянского народа*, Ереван, 1968, с. 193.
 80 Страбон, с. 129.
 81 Նոյն տեղում, էջ 510, 535:
 82 Նոյն տեղում, էջ 529: Եթէ նկատի ունենանք, որ Կերամոն-Ագորան Քսենոփոնը տեղադրում է Միսիայում, ապա Անկիւրայի շրջանը մտել է Միսիայի, ոչ թէ Փոնիզիա էպիկտետի մէջ (նոյն տեղում, էջ 540): Պլինիոս Աւագը Փոնիզիան Կեպլանէ, Կոլոսասէ եւ այլ քաղաքներով տեղադրում էր Տրովադայի հետեւում (տե՛ս Pliny, *Natural History*, V, 145, p. 328):

պէս, կիւզիկոսցիներին պատկանում էին Ջելան եւ Դասկիլիտիս լիճը⁸³, որը, մեր կարծիքով, նոյնանում է ներկայիս Ապոլեոնտ լճին: Դասկիլէոն քաղաքը⁸⁴ տեղադրւում է ներկայիս Ենիքէօյի տեղում⁸⁵ Սիմալ գետի գետաբերանում: Փոքր կամ Հելլեսպոնտոսեան Փոիւզիան տարածւում էր ներկայիս Սիմալ գետի եւ Իզնիկ լճի միջեւ ընկած տարածքում՝ հարաւում ձգուելով մինչեւ ներկայիս Քէօթահիա:

Հետաքրքիր են Փոիւզիայի մասին Սկիլաքս Կարիանդացու տեղեկութիւնները: Պատմիչի տեղեկութիւնների վերլուծութիւնը ցոյց է տալիս, որ Փոիւզիան ընդգրկել է ոչ միայն Ռինդակոս գետի՝ Կալաքանը՝ ներկայիս Կոջաչայ, Կիրմաստի, Սիմալ գետերի հոսանքները, այլեւ Սիմալ գետի գետաբերանից արեւմուտք՝ մինչեւ Դարդանէլի նեղուց եւ արեւելք՝ մինչեւ Ասկանիաս լիճն ընկած ծովափնեայ շրջանները⁸⁶: Սկիլաքսի Փոիւզիան ընդգրկում է Մեծ եւ Փոքր Փոիւզիաները՝ վերջինիս մէջ արեւմտեան ուղղութեամբ ընդգրկելով նաեւ ընդարձակ տարածքներ: Կարծում ենք, որ Սկիլաքսի տեղեկութիւնները վերաբերում են ոչ միայն նրա ապրած ժամանակաշրջանին՝ Ք. ա. Ջ. դարին, այլեւ յետագայ շրջանի գրիչներին, որոնք արտացոլել են տարբեր դարաշրջանների պատմաաշխարհագրական իրողութիւնները: Օրինակ, երբ արեւմուտքում Հելլեսպոնտոսեան Փոիւզիայի մէջ Սկիլաքսը յիշատակում է Կիւզիկոս քաղաքը, ապա վերջինս Հելլեսպոնտոսեան Փոիւզիայի մէջ գտնուել է Ք. ա. Ե. դարի վերջին, Ք. ա. Դ. դարի սկզբին, հետեւաբար՝ այս հանգամանքը չէր կարող վերաբերել աւելի վաղ

ժամանակներին: Միւս կողմից էլ նկատենք, որ Սկիլաքսն ընդհանրական ձեւով է խօսում Փոիւզիայի մասին՝ առանց վարչական տարբերակման, եւ ըստ էութեան, յետագայ գրիչները, նկատի ունենալով Փոքր կամ Հելլեսպոնտոսեան Փոիւզիայի գոյութիւնը, վերջինիս մէջ են ներառում նաեւ Հելլեսպոնտոսի հարաւի ընդարձակ մերձափնեայ տարածքները, այսինքն՝ նրանց աշխարհագրական պատկերացումները պայմանաւորուած են եղել այն մօտեցմամբ, որ Փոքր Փոիւզիայի Հելլեսպոնտոսեան անուանումը պէտք է ընդգրկէր ծովափնեայ ընդարձակ շրջանները, ինչը չի հաստատուում միւս աղբիւրների քննութեամբ: Միւս կողմից էլ Հերոդոտոսի յիշատակած աջակողմեան Հելլեսպոնտոսցիները՝ որպէս III սատրապութեան վարչական ենթաշրջան, Դարեհ Ա-ից յետոյ միաւորուում են նոյն սատրապութեան մէկ այլ ընդարձակ վարչական ենթաշրջանի՝ Փոիւզիայի հետ, ինչից յետոյ աջակողմեան Հելլեսպոնտոսցիների երկիրը կոչւում է Փոքր Փոիւզիա: Անշուշտ, կարելի է ենթադրել, որ աշխարհագրական առումով աջակողմեան Հելլեսպոնտոսցիները տարածուել են Դարդանէլի նեղուցից մինչեւ Ասկանիաս՝ ներկայիս Իզնիկ լիճը, սակայն սկզբնաղբիւրների քննութիւնը վերելում այլ պատկեր ներկայացրեց: Ասուածին աւելացնենք, որ աջակողմեան Հելլեսպոնտոսցիների ընդգրկած տարածքի արեւմտեան մասը, ամենայն հաւանականութեամբ, անցնում է II սատրապութեանը, եւ ըստ այդմ էլ Ստրաբոնը փոիւզիական տարածքները հասցնում էր Տրոյայից այնկողմ: Կամ էլ Տրոյադայի մի մասը Հելլեսպոնտոսեան Փոիւզիայի մէջ էր⁸⁷:

Ինչ վերաբերում է Աքեմենեան սեպագիր արձանագրութիւններում աջակողմեան Հելլեսպոնտոսցիների կամ լայն առումով Դասկիլէա սատրապութեան յիշատակութեանը:

87 Տրաբոն, c. 129, 529.

83 Страбон, с. 539.
84 Հմմտ. Страбон, էջ 545:
85 E. Herzfeld, *The Persian Empire. Studies in Geography and Ethnography of the Ancient Near East*, Wiesbaden, 1968, p. 312.
86 Скилак Кариандский, *Перупл обитаемого моря*, с. 261.

եանը, ապա այս հարցի կապակցութեամբ մեր դատողութիւնները հետեւեալն են.

Ռ. Շմիտտը, գտնելով Թեմիստոկլէսի, այսպէս կոչուած, «16-րդ նամակում» մի արտայայտութիւն, որը համապատասխանում է Հին պարսկական «նրանք (այն երկրները), որոնք ծովի մօտ են», ինչպէս նաեւ «ծովի մօտ ապրող ժողովուրդների թագաւորի սատրապ» արտայայտութիւններին, ցոյց է տուել, որ «Հոնիացիներին, որոնք ծովի մօտ են» պէտք է տեղադրել Պրոպոնտիսում, այսինքն՝ Դասկիլէա սատրապութիւնում⁸⁸:

Հին պարսկական սեպագիր արձանագրութիւններում հանդիպող աշխարհագրական բառակապակցութիւններին անդրադարձել ենք մէկ այլ ուսումնասիրութեան մէջ⁸⁹: Ստորեւ կատարենք մի քանի դիտարկումներ՝ կապուած Ռ. Շմիտտի ենթադրութեան հետ: Հին պարսկական սեպագիր արձանագրութիւններում փոքրասիական եւ էգէյեան ծովի յոյները յիշատակուում են Հոնիա կամ Հոնիացիներ, իսկ էգէյեան ծովի հիւսիսային ափերին բնակող յոյները՝ վահանակիր կամ սաղակող յոյներ (petasos-wearing Ionians) անուանումներով⁹⁰: Մեր կարծիքով՝ Դասկիլէա սատրապութեան տարածքը արտացոլուած չէ Հին պարսկական ոչ մի սեպագիր արձանագրութիւնում: Այսպէս, DPe արձանագրութիւնում Հոնիան առանձին յիշատակուած չէ, եւ փոխարէնը կապակցութիւնները, Լիւզիայից յետոյ յիշատակուում են «ցամաքային յոյները եւ նրանք, որոնք ծովի մօտ են, եւ երկրները, որոնք ծովի միւս կողմում են» (Katpatuka : Sparda : Yaunā : tyaiy : uskaha : utā : tyaiy : drayahyā : utā : dahyāva : tyā : para : draya

88 R. Schmitt, *Die achaimenidische Satrapie tayaiy drayahyā*, "Historia", v. 21, 1972, pp. 522-527.
89 Յ. Խորիկեան, *Աքեմենեան Պարսկաստանի վարչական բաժանումների շուրջ*, Երեւան, 2010, էջ 35-39:
90 Նոյն տեղում, էջ 37:

:)⁹¹: Ցամաքային յոյները համապատասխանում են փոքրասիական կամ I սատրապութեան յոյներին, «նրանք, որոնք ծովի մօտ են»՝ վահանակիր յոյներին, իսկ «անդրծովեան երկրները», որոնք յիշատակուում են նաեւ DSaa-ում⁹², տեղադրւում են Մակեդոնիայիում, Թրակիայում եւ Դանուբի գետաբերանի շրջանում:

Մնացած արձանագրութիւններում տեղ գտած աշխարհագրական հասկացութիւնները սոսկ հիմնաւորում են մեր դատողութիւնները եւ թոյլ տալիս մէկ անգամ եւս նշել, որ Դասկիլէա սատրապութիւնը ուղղակիօրէն յիշատակուած չէ այս կամ այն հին պարսկական սեպագիր արձանագրութեան որեւէ աշխարհագրական հասկացութեան մէջ: Ամենայն հաւանականութեամբ, Դասկիլէայ սատրապութեան եւ ընդհանրապէս III սատրապութեան տարածքը Հին պարսկական սեպագիր արձանագրութիւններում արտայայտուած է կապակցութեամբ երկրի անուան տակ:

Ասիայի թրակացիներ: Քսերքսէսի՝ Հելլադա արշաւող բանակի կազմում ասիական թրակացիները հետեւեալ կերպ են նկարագրուում. «Թրակացիներն արշաւում էին՝ գլուխներին աղուէսի մորթուց գլխարկով. մարմնի վրայ նրանք հագել էին խիտոններ, իսկ դրա վրայից՝ խայտաբղետ թիկնոցներ. ոտներին ու ծնկներին նրանք կապել էին եղնիկի մորթուց պատրաստած մոյկեր: Բացի այդ, նրանք կրում էին տէգեր, թեթեւ վահաններ եւ փոքր դաշոյններ: Ասիա անցնելուց յետոյ նրանք կոչուել են բիթիւններ, մինչդեռ Հնում, ինչպէս իրենք են պատմում, կոչուել են ստրիմոնեաններ, որպէս Ստրիմոն գետի մօտ

91 R. Kent, *Old Persian. Grammar. Texts. Lexicon*. 2nd ed., New Haven, 1953, p. 136; *Les inscriptions de la Perse achéménide*, traduit du vieux perse, de l'élamite, du babylonien et de l'araméen, présenté et annoté par Pierre Lecoq, Gallimard, Paris, 1997, p. 228.
92 *Les inscriptions de la Perse achéménide*, p. 246.

բնակողները: Ինչպէս պատմում են, իրենք իրենց երկրից քշուել են տեւրերի եւ միւսիացիների կողմից: Ասիական թրակացիներին առաջնորդում էր Արտաբանոսի որդի Բասսակէսը»⁹³: Ինչպէս տեսնում ենք, ասիական թրակացիների միւս անուանումն էր բիթլեններ:

Հերոդոտոսը թրակացիներին եւ բիթլեններին յիշատակում է Կրեսոսին ենթակայ ժողովուրդների շարքում⁹⁴, այսինքն՝ թրակացիների մի մասը յիշատակում է նաեւ բիթլեններ անուանումով: Իսկ միեւնոյն տեղեկութեան մէջ թրակացիների եւ բիթլենների միջեւ յիշատակող⁹⁵ թիւնները, հաւանաբար, բիթլանիացիներին ցեղակից թրակական ցեղեր էին, որոնց եւրոպական հատուածին բազմիցս յիշատակում է Քսենոփոնը⁹⁶:

Թիւնները զբաղեցրել են Կալպէից արեւմուտք ընկած ծովափնեայ շրջանները մինչեւ Բոսփորի նեղուց, իսկ բիթլանիացիները՝ աւելի ներս ընկած շրջանները⁹⁶: Ստրաբոնը բիթլեններին եւ թիւններին նոյնպէս համարում է թրակիական ցեղեր⁹⁷:

Քսենոփոնը գրում է, որ յոյն վարձկաններն անցնում են նաեւ թրակացիների կամ բիթլանիացիների երկրով, որոնց տարածքում էր գտնուում Կալպէ նաւահանգիստը⁹⁸: Ըստ յոյն պատմիչի՝ «ասիական թրակիան սկսւում է մուտքից եւ տարածւում մինչեւ Հերակլէա, ներս՝ դէպի Պոնտոս նաւորի աջ կողմում: Իսկ Կալպէ ծովախորշը գտնուում է Հերակլէայի եւ Բիւզանդիոնի միջեւ ընկած տարածութեան մէջտեղում»⁹⁹, այսինքն՝ Քսենոփոնը ասիական թրակիայի արեւմտեան սահմանը սկսում է Բոսփորի

նեղուցից, աւելի կոնկրետ՝ Ասիայի կամ Քաղկեդոնիայի Քրիւսոպոլիս քաղաքից¹⁰⁰, հասցնելով մինչեւ Հերակլէա: Դատելով Քսենոփոնի տեղեկութիւններից՝ Բիւթլանիան Փոլիգիայի հետ կազմել է առանձին սատրապութիւն¹⁰¹: Քաղկեդոնցիներին հարեւան էին բիթլանիական թրակացիները կամ Բիւթլանիան¹⁰², ինչը կապուած էր աթենացիների, լակեդեմոնացիների եւ պարսիկների միջեւ տեղի ունեցող ռազմական գործողութիւնների հետ, եւ պատահական չէ, որ Քաղկեդոնի կարգավիճակի հետ կապուած հարցերը քննարկուում են Փառնաբազոսի հետ¹⁰³:

Բիւթլանիա-Բիթլանիան տարբեր առիթներով յիշատակում է Դիոդորոս Սիկիլիացին¹⁰⁴: Համաձայն Արիանոսի՝ Սանգարիոս գետը հոսում է բիթլանիական թրակացիների երկրով եւ թափւում Եւքսինեան ծովը¹⁰⁵: Ստրաբոնը Բիւթլանիայի սահմանը հասցնում է մինչեւ Սանգարիոս գետը, իսկ Ասկանիաս լիճը տեղադրում է Բիւթլանիայում¹⁰⁶:

Պափլագոնացիներ: Պափլագոնացիները մասնակցել են Տրոյական պատերազմին¹⁰⁷: Խօսելով հալիւսեան մատիենների մասին՝ Հեկատէոսը գրում է, որ «Հիոպէն մատիենների քաղաքն է, Գորդիոնի հարեւանութեամբ», եւ որ «Հիոպէ քաղաքում բնակիչները հազնւում էին պափլագոնացիների նման»¹⁰⁸:

100 Նոյն տեղում, էջ 160-161. Դիոդորոս Սիկիլիացի, էջ 70: Այս նոյն սահմաններն է նշում Գաեոս Սիլիաքս Կարիանացին (տե՛ս Տուրանտի, с. 261): Տե՛ս նաեւ Pliny, Natural History, V, 150, p. 332:
 101 Քսենոփոն, Անաբասիս, էջ 150, 155, 197:
 102 Ксенофонт, Греческая история, с. 254, 310.
 103 Плутарх, Алкивиад, XXXI, с. 379-380.
 104 Դիոդորոս Սիկիլիացի, էջ 17, 70:
 105 Արիանոս, էջ 52:
 106 Страбон, с. 510, 530.
 107 Իլիական, II, 350:
 108 С. Méllér, Fragmenta historicorum graecorum, v. I, Parisiis, 1841, p. 13.

93 Հերոդոտոս, VII, 75:
 94 Նոյն տեղում, I, 28:
 95 Քսենոփոն, Անաբասիս, էջ 169-170, 177-179:
 96 Հմմտ. Pliny, Natural History, V, 150, p. 334:
 97 Страбон, с. 509.
 98 Քսենոփոն, Անաբասիս, էջ 144:
 99 Նոյն տեղում, էջ 147:

«Կիւրոպեդիայի» տեղեկութիւններից պարզւում է, որ Կիւրոս Մեծը Պափլագոնիայում սատրապ չի նշանակում, քանի որ երկիրը կամաւոր էր ենթարկուել պարսից իշխանութեանը¹⁰⁹: Համաձայն Հերոդոտոսի՝ Կրեսոսին հպատակուել են նաեւ պափլագոնացիները, որոնք կապադովկեան սիրիացիներից հիւսիսում բաժանուել են Հալիւս գետով¹¹⁰: Պափլագոնացիները նոյնպէս մասնակցում են յուսիսային արշաւանքին. «Պափլագոնացիներն արշաւում էին գլուխներին հիւսկէն սաղաւարտ դրած, փոքր վահաններով եւ ոչ մեծ նիզակներով, ինչպէս նաեւ տէգերով ու դաշոյններով: Ոստերին նրանք հազած էին տեղական կօշիկներ, որոնք հասնում էին մինչեւ սրունքի կէսը: Լիգիացիների, մատիենների, մարիանդիների եւ սիրիացիների հանդերձանքը նոյնպէս պափլագոնականի հետ: Պափլագոնացիներին եւ մատիեններին առաջնորդում էր Դոտոսը՝ Մեգասիդորոսի որդին, իսկ մարիանդիներին, լիգիացիներին եւ սիրիացիներին առաջնորդում էր Դարեհի եւ Արտիւստոնէի որդի Գորդիւլէսը»¹¹¹:

Ք. ա. Ն. դարի վերջին Պափլագոնիան, որի առաջնորդն էր Կորիւլասը, տարածւում է Հալիւսից արեւելք՝ հասնելով մինչեւ Կոտիւորա քաղաքը¹¹²: Համաձայն Քսենոփոնի՝ Սինոպ քաղաքը գտնւում էր պափլագոնացիների երկրում¹¹³: Պափլագոնիայի թագաւոր Կոտիսը ընդդէմ Փառնաբազոսի դաշնակցում է Ագեսիլայոսի հետ՝ տալով նրան ռազմական ուժեր¹¹⁴: Պափլագոնիան արեւմուտքում՝ Հալիւս գետից այնկողմ,

109 Քսենոփոն, Կիրոպեդիա, էջ 355:
 110 Հերոդոտոս, I, 6, 72:
 111 Նոյն տեղում, VII, 72:
 112 Քսենոփոն, Անաբասիս, էջ 121-122, 124, 137, 197. Դիոդորոս Սիկիլիացի, էջ 69:
 113 Քսենոփոն, Անաբասիս, էջ 139. Դիոդորոս Սիկիլիացի, էջ 69:
 114 Плутарх, Агесилай, XI, с. 247; Xenophon, Scripta Minora. Agesilaus, III, 4, p. 100.

հասել է մինչեւ Պարթենիոս գետը¹¹⁵ (ներկայիս Բարտինեւսուն կամ աւելի ճիշտ՝ ԵնիՂէն), որի ակունքները, ըստ Ստրաբոնի, գտնուել են Պափլագոնիայում¹¹⁶, այսինքն՝ խօսքը վերաբերում է Պարթենիոսի աջակողմեան վտակներին:

Աւելի ուշ Պափլագոնիան նուաճում է Ալեքսանդր Մակեդոնացին՝ Անկիւրայից արշաւելով¹¹⁷: Ալեքսանդրի մահից յետոյ Պափլագոնիան Կապադովկիայի հետ անցնում է Եւսեբոսին¹¹⁸: Արիանոսը հաղորդում է, որ Ալեքսանդրը չի արշաւում Պափլագոնիա, քանի որ վերջինս կամաւոր ընդունում է մակեդոնացիների իշխանութիւնը. Պափլագոնիան յանձնւում է Փոլիգիայի սատրապ Կալատոսի կառավարմանը¹¹⁹:

Մարիանդիներ: Հեկատէոս Միլեթացին յիշատակում է մարիանդիների Ստեփանիս քաղաքը¹²⁰, որը նոյնանում է Սկիւլաքս Կարիանոսցու Ստեփանային¹²¹, ներկայիս Իստիֆանին: Սրանք յիշատակում են Կրեսոսին հպատակ ժողովուրդների շարքում¹²²: Համաձայն «Անաբասիսում» պահանուած տեղեկութիւնների՝ մեգարացիների գաղութ Հերակլէան՝ Կարադենիզ էրեղլին, գտնուել է մարիանդիների երկրում, որից արեւմուտք ասիական թրակացիների երկիրն էր¹²³: Մարիանդիների երկրում Հերակլէա քաղաքը, Լիւկոս եւ Հիպիաս գետերը յիշատակում է Սկիւլաքս Կարիանոսը:

115 Քսենոփոն, Անաբասիս, էջ 142:
 116 Страбон, с. 510.
 117 Արիանոս, էջ 200. Ռուփոս, էջ 281, 328, 411. Плутарх, Александр, XVIII, «Избранные жизнеописания», т. II, Москва, 1987, с. 378.
 118 Ռուփոս, էջ 596. Դիոդորոս Սիկիլիացի, էջ 15:
 119 Արիանոս, էջ 57:
 120 С. Méllér, Fragmenta historicorum graecorum, v. I, Parisiis, 1841, fr. 201, p. 14.
 121 Скилак Кариандский, Перипл обитаемого моря, с. 261.
 122 Հերոդոտոս, I, 28:
 123 Քսենոփոն, Անաբասիս, էջ 142, 147: Տե՛ս նաեւ Pliny, Natural History, VI, 4, p. 340.

ցին¹²⁴: Լիւկոս գետը՝ ներկայիս Գիւլիւն-դըշեւտուն, յիշատակում է նաեւ Քսենոփոնը¹²⁵, իսկ Հիպիասը՝ ներկայիս Բոյուկ-Մելան-չայ գետն է¹²⁶: Ստրաբոնը մարիանդիններին, որոնց ոմանք անուանում են կաւկոններ, համարում է թրակիական ժողովուրդ կամ պափլագոնացիներ¹²⁷, սակայն, ըստ էութեան, մարիանդինները եղել են Փոքր Ասիայի հնագոյն բնակչութիւնը: Կաւկոններին Ստրաբոնը յիշատակում է մարիանդիններից արեւելք՝ մինչեւ Պարթենիոս գետը¹²⁸:

Այսպիսով, կատարուած քննութիւնը ցոյց է տալիս, որ III սատրապութիւնն ունեցել է ընդարձակ տարածք, որի սահմաններն Աքեմենեան տիրապետութեան ընթացքում փոփոխուել են, եւ նոյն սատրապութեան նախկին ենթաշրջանները որոշ դէպքերում վերակազմաւորուել են առանձին սատրապութիւններ:

A PROPOSAL FOR PAN-CAUCASIAN ALPHABET¹

Vazgen R. Ghazaryan

1. Introduction

The Caucasus or *Jabal Al-Asun* ("Mountain of Tongues"), as it was named in the annals of medieval Arab geographers, is one of the most prominent places on Earth by the diversity and density of concentration of languages. The region is home to more than 50 nations and ethnic communities², which languages belong to five distinct families. Three of those, namely, the *Northwest Caucasian* (West-Caucasian or Abkhaz-Adyghean), *Northeast Caucasian* (East Caucasian or Nakh-Dagestanian) and *South Caucasian* (Kartvelian) language families are confined within the limits of the Greater and Lesser Caucasus Mountain Ranges³ and currently comprise 41 languages considered native to the region for at least four thousand years⁴.

Located amidst the sphere of distribution, contiguity and mutual influence of the Indo-European, Altaic and Semitic language families, the Caucasus, presumably due to the peculiarities of the landform and relative isolation of mountainous regions, was able to preserve a certain degree of representativeness and sufficient diversity of the three autochthonous language families, preventing their extinction or reduction to a language isolate.

Nevertheless, the historical and political realities, established in the region during the last 200 years⁵, gravely threaten the means of development of these languages and challenge their future existence. For instance, starting from the mid-19th century the majority of native speakers of the NWC (Northwest Caucasian) languages settled beyond the limits of the Caucasus, being almost completely deported in consequence of imperial expansion. As a result, this once multilingual family that was widely and homogeneously spread all over the Western Caucasus, has presently diminished to a few isolated enclaves with a shrinking population. The situation is somewhat different in the Eastern Caucasus, but there also a number of NEC (Northeast Caucasian) languages nowadays count a few thousand of even a few hundred speakers, and being en-

1 The ideas briefly presented in the current synopsis are expounded in the monograph *A Proposal for Pan-Caucasian Alphabet* by Vazgen Ghazaryan (Yerevan, 2012, ISBN 978-9939-0-0603-1; in Armenian and Russian languages).

2 Comrie, Bernard. *Linguistic Diversity in the Caucasus*. Annual Review of Anthropology, Vol. 37, October 2008; Коряков Ю.Б. *Атлас кавказских языков* / РАН. Ин-т языкознания. — Москва: Пилигрим, 2006.

3 Волкова Н.Г., *Этнонимы и племенные названия Северного Кавказа*. М., 1974; Анчабадзе Ю.Д., Волкова Н.Г. *Этническая история Северного Кавказа XVI-XIX вв. II* Материалы к серии "Народы и культуры". Выпуск XXVIII. «Народы Кавказа». М., 1993. Книга 1.

4 Nikolaev S.L., Starostin S.A., *A North Caucasian etymological dictionary*. Moscow, 1994; G.V. Hewitt. *Introduction to the Study of the Languages of the Caucasus*, Lincom Europa, 2004; J. C. Catford. *Mountain of Tongues: The Languages of the Caucasus*, Ann. Rev. of Anthropol., 6 (1977); *Языки мира: Кавказские языки*. (ред. М.Е.

Алексеев, Г.А. Климов, С.А. Старостин, Я.Г. Тестелец), М., Academia, 1999.

5 *История народов Северного Кавказа (конец XVIII в. - 1917 г.)*, Москва, «Наука», 1988.

124 Скилак Карниандский, *Перипл обитаемого моря*, с. 261.

125 *Քսենոփոն, Անարխիս*, էջ 142:

126 Скилак Карниандский, *Перипл обитаемого моря*, с. 267.

127 Страбон, с. 270, 327, 508.

128 Նոյն տեղում, էջ 509: